



Duzcaeg Caeg Gyaeq Siengj Mbouj Daengz

意外的偷蛋贼

cingzgvang ne? Haengjdingh dwg byawz caeg aeu gyaeq bae lo, gou caeuq goengda gietdingh aeu gaeb-dawz duzcaeg caeg gyaeq neix.

Gaengawq faensik, duz caeg neix aiq dwg gyanghaemh bae caeg aeu gyaeq. Yienghneix, goengda siengj ok aen banhfap ndeu——aeu fag napdiet daeuj nap. Goengda ra dietsienq、danzvangz、dietding caeuq gaiq benj he daeuj, yaep ndeu couh guh baenz aen napdiet gig gyaqciq ndeu. Dou dawz geij duz gaemh vuenh bae cuengq dieg wnq, yienzhaeuh aeu fag napdiet cuengq roengz rongzgaeq bae, youq ndaw fagnap cuengq aen gyaeq

ndeu guh ngaueh.

Dou gwn haexcaez sat le, couh dingqny ndaw rongzgaeq cienz daeuj sing hemq gig camj, itdingh dwg duz caeg gyaeq hauej hongx bae lo. Gou caeuq goengda ganjgip gaem dienhdongz, buet bae coh rongzgaeq. Dou yienzbonj laihnaeuz duz caeg gyaeq dwg duznou, byawz rox dwg duz dou siengj cungj siengj mbouj daengz haenx, duzcaeg gingqyienz dwg duzcenb bak soem da iq haenx. Cij raen ganaj duzcenb deng fagnap nap dawz ndaetndetndet, lwed laebod-byod, aenndang saenzdedded. Goengda gaemdawz fagcanj cingq yaek moeb

duzcenb. “Gaej moeb, goengda!” Gou gipmuengz lanz goengda, “yienznaeuz de caeg gwn geij aen gyaeq, hoeng seizneix de deng sieng lo, hix suenq deng fad lo. Caiq gangj, duzcenb rox gaeb gwn duznou, suenq dwg baengzyoux ndei gomiuz bw, gvaqlaeng dou cuengq de bae ndaw reih ba.” Goengda dingq gou gangj le, doengzeiq lo.

Dou ra yw daeuj, bang duzcenb yw giz sieng, youh ra aen siengceij he hawj de youq. Caj duzcenb sieng ndei le, gou couh bae ndawreih cuengq “duzcaeg” neix.

(seiq nienzgaep Beiz Gingcouh)

Gyaeprieng Duzbiengzbeih

追踪小蜻蜓

Ngoenzhaenx, dou daengx ranz bae henz huz guhcaemz. Dou youq henz huz dap bungzciengq, ci rumzcou liengzsis, gou angq-vauvau youq gwnz diegnywj guhcaemz.

Diegnywj umqnemnem, ninz youq baihgwnz gig cwxcaih. Sawqmwh, daj baihnaj gou mbin gvaq yiengh doxgaiq henj he. Gou baez yawj, laxlawz dwg duz biengzbeih henj he. Biengzbeih mbouj doengh douh youq gwnz duj va'aeuj he. Gou yaengyaeng byaij gvaqbae, ngamq maeuq roengz-daeuj, biengzbeih couh mbin deuz lo. Gvaq yaep ndeu, biengzbeih douh youq gwnz duj vamaeq he. Gou yaemj din yaemj fwngz byaij gvaqbae, ha, baez neix biengzbeih

mbouj fatyienh gou. Yienghneix gou mbaetheiq sijsaeq cazyawj. Duzbiengzbeih miz song aen da doed okdaeuj, aen'gyaeuj luenzlili, baihlaj aen gyaeujluenz dwg donh ndang dinjded he, baihlaeng aenndang dwg diuzrieng saeqraez, raiz henjndaem, gojyij vangoz. Aenndang song mbiengj maj miz doiq fwed henj mbangmbit he, lumj gyaq vazsiengzgihei nei. Baihlaj aenndang miz roek gaiq ga iqet, roek gaiq ga neix gaem ndaet dipva.

Cingq youq gou yawj ndaej maezmwdmwd seiz, biengzbeih lumjbaenz fatyienh gou lo, hu dwk mbin bae lo. Gou gaenjgaenj riengz laeng de, de yaep he mbin gvaq baihsuix, yaep he mbin gvaq baihvaz, yaep he vaiq yaep he

menh, aenndang riengjret. Dingq daxmeh gangj, biengzbeih maj song fanh lai aen dafuk, gvaicq mbouj ndaej de cungj fatyienh gou. Biengzbeih mbin daengz naj huz, gaiqrieng baez vangoz, bungq deng naj raemx mbat he, youh riengjret mbin bae lo, najhuz sanq ok baenz gvaengx baenz gvaengx gienluenz.

Biengzbeih, duz ndangmbaeu riengjret neix, de hawj daswyenz dem le haujlai senggei, dwggvaez raixcaix.

(seiq nienzgaep Cangh Swhyi)



Seizcou Gyaeundei

美丽的秋天

Daeggo seizhah boq aendig angqvauvau byaij bae lo, hix daiq gij hwnghdat seizhah bae lo. Dahsau seizcou daiq dahnuengx rumzcou yaengyaeng daeujdaengz henz ndang raeuz, dauqcawq cungj gyuemluemz gij heiq seizcou.

Gou daeujdaengz ndaw suenmak, dangqnaj cungj dwg gij mak henjcug. Yawj, makbingzgoj ndinghoengz ndoj youq ndaw geh mbaw, baenz roix baenz roix makit venj youq ndaw geh gaeu, gyoengqde lumj caeuq gou doxndoj nei. Baenz raq baenz raq rumzcou, ci gij heiq seizcou daeuj: Heiqhom mak-ndae, heiqsoemj makdoengj, heiqvan makit……

Gou daeujdaengz gunghyenz, gwnz diegnywj gaenq bu hwnj fandamj henj he, caij hwnjbae umqnemnem, cwxcaih raixcaix. Haujlai faex ndaw gunghyenz cungj bienq yiengh lo, miz mbangj mbawfaex henjrwgrwg, miz mbangj mbawfaex ndingyanyan. Rumzcou ci daeuj, mbaw nding mbaw henj menhmenh mbin roengzdaej, lumj hawj daihdeih vuenh buhvaq gyaeundei nei.

Gou gyaez gij saek seizcou, hix gyaez gij heiq seizcou. Gou gyaez seizcou gyaeundei.

(sam nienzgaep Ciz Cingvwnz)



Goqmeijsuz Ci Veh

美术课吹画

ganjgip dawz gangbit okdaeuj, duet daepbit bae, yungh rengz baez nyaenx, ndik maeg ndeu couh ndik youq gwnz bonjdozveh lo. Hoeng yawj ndik maeg neix, gou baenzlawz hix siengj mbouj ok de ndaej bienqbaenz gijmaz dozanq. Dou ciuq gij guhfap lauxsae gangj haenx hainduj ci. Gou yungh daengx ndang rengz bae ci, hoeng gou cij ci baenz diuz dah he, cungj gvaicq gou daiq yungh rengz lo. Neix caeuq gou siengj ci baenz gij veh haenx siengca daiq lai lo, baenzlawz guh cij ndei ne?

Couh youq gou nyapnyuk mbouj miz banhfap seiz, lauxsae byaij gvaqdaeuj lo, cij raen lauxsae youq henz diuz “dah” haenx

yaengyaeng ci coh baihsuix, yienzhaeuh youh yaengyaeng ci coh baihvaz, sawqmwh gofaex hung he okyienh lo. Yawjraen gij dozanq lauxsae ci okdaeuj haenx, dou sawqmwh angq dwk hemq hwnjdaej. Caen siengj mbouj daengz, ndik maeg ndeu gingqyienz ndaej bienqbaenz gofaex hung lumj caen nei.

Doeklaeng, gou youq gwnz gofaex neix daz gij saek gou gyaez haenx. Yawj daengz fuk doz neix, simcingz gou daegbied ndei, daegbied angq. Goq meijsuz neix caen dwg mizyinx lai lo, mboujdanh hawj gou dem cihsiz, vanzlij hawj gou angq raixcaix!

(seiq nienzgaep Linz Yingz)

Ngoenzneix hwnj goqmeijsuz, lauxsae son dou “ci veh”. Lauxsae naeuz: “‘Ci veh’ couhwdg dawz ndik maeg ndeu ndik roengz bonjdozveh bae, yienzhaeuh yungh rengz ci, ci ok mbouj doengz dozanq daeuj!”

Caen dwg miz cungj saenzgeiz neix lwi? Ndaw gyausiz sawqmwh nauhyied hwnjdaej, daihgya cungj roxnyinh miz eiqsei.

Gou caeux couh nyaenx mbouj youq ndawsim gikdoengh lo, gou